



# ACTUALIDADE SOBRE POLÍTICAS E PROGRAMAS EUROPEOS

**NÚMERO 37**

**DO 1 AO 15 DE DECEMBRO 2008**

## Contido

### Política comunitaria

Orzamento 2009 da UE: Un impulso para a recuperación económica.

Páxina 1

### Programas Europeos

Novas convocatorias

Convocatorias vixentes

Páxinas 2-4

### Noticias

O vindeiro 1 de xaneiro, a República Checa asume a Presidencia semestral do Consello da UE.

Páxina 5

## Política Comunitaria

### Orzamento 2009 da UE: Un impulso para a recuperación económica

[http://ec.europa.eu/budget/index\\_en.htm](http://ec.europa.eu/budget/index_en.htm)

O pasado 18 de decembro tivo lugar a sinatura oficial do presuposto da UE para o ano 2009, por un valor de 133.800 millóns de euros.

En 2009 a UE dedicará o 45% dos seus recursos (60 mil millóns, aprox.) á investigación, a innovación, o emprego e os programas de política rexional, combinando medidas a curto e longo prazo para axudar á UE a dar resposta á crise económica.

Pola súa banda, a porcentaxe de fondos destinados á agricultura permanece invariable (case o 40% do presuposto comunitario), ao tempo que se aumenta nun 2,9% os recursos dirixidos a actuacións relacionadas co medio e o desenvolvemento rural.

Os fondos destinados a mellorar a competitividade aumentanse nun 6,2% respecto a 2008, alcanzando os 12.000 millóns de euros. Desta cantidade, 500 millóns destinaranse ao Programa para a Innovación e a Competitividade (PIC), representando un aumento do 22% respecto a 2008, e máis de 1.000 millóns irán a parar a programas como o de Aprendizaxe Permanente, dirixidos a mellorar as habilidades e competencias da poboación.



Finalmente, é destacable o respaldo presupostario ás actuacións relacionadas co medio. Así, en 2009 destinaranse 13.600 millóns de euros do fondo de desenvolvemento rural a cuestións ambientais; o Programa LIFE + medrará un 19% ata os 137 millóns de euros; e o incremento do 22% no PIC tamén servirá para financiar novas tecnoloxías destinadas a mellorar a eficiencia enerxética da UE.

## Programas europeos

### Novas convocatorias

#### Aberta a convocatoria EuropeINNOVA dentro do PIC

[http://ec.europa.eu/enterprise/funding/files/themes\\_2008/calls\\_prop.htm](http://ec.europa.eu/enterprise/funding/files/themes_2008/calls_prop.htm)

Está aberta a convocatoria para presentar proxectos a EuropeINNOVA, unha acción da UE enmarcada no Programa Marco para a Innovación e a Competitividade (PIC).

Esta acción oriéntase ao desenvolvemento e proba de novos e innovadores servizos de apoio ás PEME, especialmente ás start-ups, facilitados por plataformas ou consorcios europeos. O obxectivo esencial é acelerar os procesos de innovación e, deste modo, facilitar a comercialización de produtos e servizos innovadores.

A convocatoria divídese en catro áreas temáticas:

- ↳ Plataforma europea de innovación para clusters.
- ↳ Plataforma europea de innovación para servizos intensivos en coñecemento.
- ↳ Plataforma europea para a eco-innovación.
- ↳ Promoción de novas ferramentas e servizos de apoio á innovación.

En total, esta convocatoria conta cun presuposto de **26.500.000 euros** e pódense presentar propostas ata o **12 de febreiro de 2009**.



## Convocatorias vixentes

### CONVOCATORIA PÚBLICA. Cooperación Europea no Campo da Investigación Científica e Técnica (COST)

[www.cost.esf.org/cnc](http://www.cost.esf.org/cnc)

A Asociación COST reúne investigadores e expertos de distintos países que traballan en torno a temas específicos. A COST NON financia a investigación como tal, senón que presta apoio á posta en rede de actividades como reunións, conferencias, intercambios científicos de curta duración e actividades de promoción. Na actualidade, préstase apoio a máis de 200 redes científicas (Accións).

A COST está aberta a propostas referentes a Accións que contribúan ao desenvolvemento científico, tecnolóxico, económico, cultural ou social de Europa. Acolle con especial interese as propostas que teñan un papel precursor respecto doutros programas europeos e/ou sexan postas en marcha por investigadores noveis.

O apoio financeiro que pode esperar é da orde dos 100.000 EUR anuais, en xeral por un período de catro anos.

A avaliación das propostas realizarase en dúas fases. As **propostas preliminares** deben ofrecer un breve resumo da pro-

posta e da súa pretendida repercusión. Pedirase aos autores das propostas preliminares seleccionadas que presenten unha proposta completa.

As **propostas completas** serán examinadas detidamente por homólogos. Normalmente, a decisión tómase nun **prazo de seis meses** a partir da data límite de presentación e agárdase que as Accións se inicien no prazo de tres meses.

A data para a presentación das **propostas preliminares é o 27 de marzo de 2009**.

Aceptaranse unhas 80 propostas completas para a selección final de aproximadamente 30 novas Accións.

A convocatoria para a presentación de **propostas completas** farase como moito o 15 de maio de 2009 e o seu prazo de presentación finalizará o 31 de xullo de 2009; está previsto que as decisións se tomen en novembro de 2009. A seguinte data de recollida será, previsiblemente, o 25 de setembro de 2009.



## Convocatorias vixentes

### Convocatoria -7 PM - Persoas - 'Noite dos Investigadores 2009'

[http://cordis.europa.eu/fp7/dc/index.cfm?fuseaction=UserSite.FP7DetailsCallPage&call\\_id=157](http://cordis.europa.eu/fp7/dc/index.cfm?fuseaction=UserSite.FP7DetailsCallPage&call_id=157)  
[http://ec.europa.eu/research/researchersineurope/events/researchersnight08/index\\_en.htm](http://ec.europa.eu/research/researchersineurope/events/researchersnight08/index_en.htm)

A Comisión Europea publicou unha convocatoria de propostas para o evento "Noite dos Investigadores 2009". A "Noite dos Investigadores" finánciase a través das accións Marie Curie do Programa Marco, concretamente, a través das chamadas "Accións específicas".

Esta convocatoria está deseñada para organizacións de Estados membros da Unión Europea e países asociados. Os proxectos propostos deberán ter unha duración non superior aos sete meses. O presuposto indicativo ascende a 3 millóns de euros.

Trátase dun evento paneuropeo no que participan organizacións científicas e de investigación de diferentes tipos, entre

elas museos, laboratorios e institucións académicas, e que inclúe grande variedade de actividades entretidas e divertidas que está previsto que se prolonguen ata altas horas da noite. O seu propósito é **dar á sociedade, e en especial á mocidade, a oportunidade de coñecer investigadores nun ambiente festivo e divertido e poñer de relevo as boas razóns que hai para emprender unha carreira científica.** A "Noite dos Investigadores Europeos" celébrase dende 2005.

O prazo para presentar propostas finaliza o **14 de xaneiro de 2009**. A Comisión Europea celebrará en Bruxelas unha xornada informativa acerca da convocatoria o próximo 13 de novembro.



### Lanzamento da 2ª Convocatoria de Interreg IVC

<http://www.interreg4c.net/>

Os 27 e 28 de outubro celebrouse o 2º Foro Interrexional de Cooperación da UE en Lille, onde se inaugurou a **segunda convocatoria de propostas do Programa de Cooperación Interrexional INTERREG IV C**.

O **prazo** da convocatoria remata o 30 de xaneiro 2009.

O **obxectivo xeral** consiste en mellorar as políticas rexionais da UE, dotar de maior efectividade as políticas de desenvolvemento rexional e profesionalizar o intercambio de boas prácticas.

#### Prioridades:

- 👉 **Innovación e economía do coñecemento**
  - 👉 Investigación e desenvolvemento tecnolóxico
  - 👉 Espírito emprendedor e PEME
  - 👉 Sociedade da información
  - 👉 Emprego, capital humano e formación
- 👉 **Medio**
  - 👉 Cambio climático, riscos naturais e riscos tecnolóxicos
  - 👉 Xestión da auga
  - 👉 Prevención e xestión de residuos

- 👉 Biodiversidade e preservación da herdanza natural. Calidade do aire
- 👉 Enerxía e transporte sostible
- 👉 Herdanza cultural e paisaxe

#### Actividades financiáveis

- 👉 "Actividades piloto"
- 👉 Profesionalización do intercambio de boas prácticas en áreas innovadoras
- 👉 Conferencias e seminarios
- 👉 Visitas de estudo
- 👉 Intercambio de persoal
- 👉 Web sites
- 👉 etc

#### Candidatos elixibles

- 👉 Autoridades rexionais ou entes que teñan poder de influencia e decisión nas políticas rexionais.
- 👉 O partenariado debe comprender países de toda Europa (na medida do posible), mesturando rexións máis e menos avanzadas, evitando concentrar os recursos unicamente nas zonas transfronteirizas.
- 👉 Importante: unha mesma organización só pode presentarse a 5 proxectos.

**A duración máxima dos proxectos** será entre 24 e 36 meses, dependendo do tipo de actuación.



## Convocatorias vixentes

### Cooperación entre Clústers rexionais de investigación. 7º PROGRAMA MARCO. Programa Capacidades. Convocatoria FP7-REGIONS-2009-1

[http://cordis.europa.eu/fp7/dc/index.cfm?fuseaction=UserSite.FP7DetailsCallPage&call\\_id=167](http://cordis.europa.eu/fp7/dc/index.cfm?fuseaction=UserSite.FP7DetailsCallPage&call_id=167)

Os obxectivos desta convocatoria son:

- ↳ Incrementar a capacidade dos actores rexionais para promover o desenvolvemento baseado na ciencia e a tecnoloxía.
- ↳ Reforzar a capacidade das rexións para invertir en investigación e desenvolvemento tecnolóxico.
- ↳ Apoiar o desenvolvemento de estratexias rexionais de investigación que poidan ser integradas nas estratexias de desenvolvemento económico.

Os proxectos deberán enfocarse á **creación de mercados líderes mediante a promoción do uso sostible dos recursos naturais e do ámbito natural e do humanizado**. En concreto propóñense 5 mercados líderes baseados na axeitada xestión dos recursos naturais:

1. Enerxías renovables (xestión da auga, do bosque e do chan)
2. Produtos biolóxicos (xestión da auga, dos bosques e do chan)
3. Construción sostible (xestión dos bosques)
4. Tecidos protectores (xestión de auga e xestión de residuos)
5. Reciclaxe (xestión da auga, do chan e de residuos).

Valoraranse enfoques horizontais baseados no desenvolvemento de eco-tecnoloxías, especialmente fundamentadas nas ciencias naturais, a biotecnoloxía e a bioquímica.

#### Actividades a desenvolver:

1. Análise e integración das axendas investigadoras.
2. Integración
3. Medidas de implementación do Plan de Acción Conxunto.

A participación mínima será de **3 clusters rexionais de investigación, procedentes de 3 Estados membros diferentes**. Cada cluster deberá estar formado por polo menos tres tipos de entidades:

- a) Entidades investigadoras - Universidades, organismos de investigación, etc.
- b) Empresas
- c) Autoridades rexionais/locais (governos locais e/ou rexionais, axencias de desenvolvemento rexional, etc.)

A duración dos proxectos será de **36 meses**, o financiamento **poderá acadar o 100% dos custos elixibles** e a data límite para a presentación de proxectos é o **27 de xaneiro de 2009**.



### Aberta a convocatoria de TIC do 7º Programa Marco

[http://cordis.europa.eu/fp7/dc/index.cfm?fuseaction=UserSite.FP7ActivityCallsPage&id\\_activity=3](http://cordis.europa.eu/fp7/dc/index.cfm?fuseaction=UserSite.FP7ActivityCallsPage&id_activity=3)

O 19 de novembro abriuse a convocatoria do 7º Programa Marco referente ás tecnoloxías da información e a comunicación (TIC). A convocatoria céntrase nos seguintes desafíos estratéxicos previstos para os sete anos deste programa marco.

- ↳ Desafío 1: Rede dominante e fidedigna e infraestruturas de servizos
- ↳ Desafío 2: Sistemas cognitivos, interacción, robótica
- ↳ Desafío 3: Compoñentes, sistemas, enxeñería
- ↳ Desafío 5: Cara a unha atención sanitaria personalizada e sostible
- ↳ Desafío 6: TIC para a mobilidade, estabilidade ambiental e eficiencia enerxética

- ↳ Desafío 7: TIC para unha vida independente, inclusión e gobernanza

Ademais, a convocatoria promove investigación en tres novas áreas de tecnoloxías emerxentes:

- ↳ Computación con dispositivos simultáneos
- ↳ Tecnoloxías de información cuántica
- ↳ Tecnoloxía da información baseada en bioquímica

Esta convocatoria ten un orzamento de **801 millóns de €**.

A data límite para presentar propostas é o **1 de abril 2009**.



## Noticias

### O próximo 1 de xaneiro de 2009, a República Checa asume a Presidencia semestral do Consello da UE

<http://www.eu2009.cz/en>

Á hora de establecer as prioridades de traballo baixo o seu mandato, a Presidencia checa co-ordinarase, como vén sendo habitual, coa súa antecesora (Francia) e a súa sucesora (Suecia), de maneira que haxa continuidade nos traballos desenvolvidos. De feito, os tres países teñen unha axenda conxunta, que ten como obxectivo asegurar unha maior continuidade do traballo no Consello de Unión Europea, e que presenta como grandes desafíos a seguridade enerxética, o cambio climático, unha maior competitividade e o desenvolvemento de políticas para a inmigración.

Así, a Presidencia estrutura as súas prioridades en 3 grandes eixes denominados os 3 «E»: economía, eficiencia enerxética e relacións exteriores.

Neste contexto, o 1 de xaneiro de 2009 a República Checa asume a Presidencia do Consello da UE, definindo como lema dos seis meses de presidencia “Europa sen fronteiras”, que expresa o obxectivo de traballar na eliminación de barreiras que aínda existen entre os Estados Membros.

Este lema está orientado cara á construción dun mercado libre como base para unha recuperación económica, reducindo as barreiras que persisten para o pleno desenvolvemento do mercado interior e da libre circulación de bens, persoas e capital, incluíndo as complexas normativas entre Estados membros.

Por outra banda, o lema da Presidencia checa fai tamén referencia á apertura das relacións exteriores da Unión Europea relativas a todo o mundo, definindo como prioridade a intención de acelerar as negociacións do proceso de ampliación dos Balcáns Occidentais así como establecer relacións coa nova administración norteamericana.

O carácter simbólico do seu lema reside no feito de que en 2009 se conmemoren os 20 anos da Caída do “Telón de Aceiro” e dos 5 anos da maior ampliación europea da súa historia.

The logo consists of the text 'EU2009.CZ' in a bold, sans-serif font. Each letter is a different color: 'E' is blue, 'U' is yellow, '2' is green, '0' is red, '9' is blue, and '.CZ' is red.

## Axenda

Xaneiro 2009

**Primeiro Workshop do proxecto  
DEN4DEK sobre ecosistemas  
dixitais**

**Lugar:** Zaragoza  
**Organiza:** DEN4DEK

[http://www.den4dek.org/Sitio\\_web/  
Upcoming\\_Events.html](http://www.den4dek.org/Sitio_web/Upcoming_Events.html)

Xaneiro 2009

**Conferencia sobre  
computadoras, privacidade e  
protección de datos**

**Lugar:** Bruxelas

[http://www.cpdpconferences.org/  
index.html](http://www.cpdpconferences.org/index.html)

Xaneiro 2009

**Día europeo de financiamento  
para a PEME**

**Lugar:** Atenas  
**Organiza:** Comisión Europea

[http://www.sme-finance-day.eu/  
index.php?id=31](http://www.sme-finance-day.eu/index.php?id=31)

18-20 febreiro 2009

**eHealth 2009**

**Lugar:** Praga  
**Organiza:** Ministerio de Sanidade da  
República Checa

[http://ec.europa.eu/information\\_society/  
newsroom/cf/itemdetail.cfm?item\\_id=4507](http://ec.europa.eu/information_society/newsroom/cf/itemdetail.cfm?item_id=4507)

Abril 2009

**Segundo Workshop do proxecto  
DEN4DEK sobre ecosistemas  
dixitais**

**Lugar:** Barcelona  
**Organiza:** DEN4DEK

[http://www.den4dek.org/Sitio\\_web/  
Upcoming\\_Events.html](http://www.den4dek.org/Sitio_web/Upcoming_Events.html)

## Contacto



Fundación para o Fomento  
da Calidade Industrial e  
o Desenvolvemento  
Tecnolóxico de Galicia

Contacto:  
**[info@fundacioncalidade.org](mailto:info@fundacioncalidade.org)**